

اركب معنا | ليلة إيمانية مع سورة نوح | #الغرفة_الدعوية | د .

حازم شومان

حازم شومان

الحمد لله وكفى وصلاة وسلاما على عباده الذين اصطفى. اما بعد آآ يعني وقال اركبوا فيها بسم الله مجريها ومرساها. ان حبي الغفور

الرحيم وهي تجري بهم في موج كالجبال وهي تجري بهم في موج كالجبال ونادى نوح ابنة - 00:00:00

موقف يزلزل قلب اي حد منا. اي حد قلبه حي يا جماعة. هو يتخيل هو نبي. ومن اولي العزم من الرسل. وابقى له تسعمية وخمسين

سنة بيدعي ربنا. بس ده - 00:00:24

فابنه ده ابنه ده ضناه ده لحمه ودمه ابنه مصمم انه يقف مع الكفار ابنه واقف على جبل وبيقول له المية لا يمكن هتوصل لي وما

فيش طوفان ولا حاجة - 00:00:34

حب نبي موقن ان كل اللي برة السفينة هيغرق هيغرق. وبينادي ابنه اركب معنا. وهي تجري بهم في موج كالجبال. ونادى نوح ابنه يا

بني اركب معنا. اركب معنا. لسه اخر فرصة قدامك. ما تتأخرش. لو تأخرت لحظات عن كده مصيرك كله ضاع. لو تأخرت لحظات -

00:00:44

عن كده هتعيش مدى خالد في تابوت من جهنم وانت بتتشوي في نار جهنم لو تأخرت لحظات عن كده ما عدش فيه امل انت الوحيد

انك انت تاخذ قرار فوري. انت املك الوحيد خلاص في هذه اللحظة يا تاخذ قرار تنقز به مصيرك. يا اما خلاص ابني وضايأ هيبقى

من اهل النار - 00:01:04

والعياذ بالله ونادى نوح ابنه يا بني اركب معنا الهم والنار اللي كانت جوة قلب سيدنا نوح وهو بيستغيث وبينادي على ابنه ان هو

يركب معهم. هو الهم يا اخوانا اللي احنا الوقتي بنادي به الناس. اللي احنا دلوقتي بنادي به الشباب. اللي اللي احنا بنناديه دلوقتي

بننادي به - 00:01:24

في البنات اللي احنا دلوقتي بننادي به المجتمع. اركب معنا. اركب معنا. قال ساوي الى جبل يعصبي من الماء. قال لا عاصم اليوم من

امر الله الا من رحم. انا هاوي الى اي حاجة تنقزني من اللي انا فيه. انا قدامي حلول كتير. اهرب بها من كل اللي انتم بتخوفونا منه.

بتخوفونا لو - 00:01:44

طريق ربنا بتخوفونا لو ما ركبناش السفينة من الاكتئاب من التوتر. عندنا اغاني وعندنا كليبات وعندنا قنوات. بتخوفونا من ايه؟

النهاردة اتنين شباب مشغلين غالي باقول لهم هو كلام ربنا وحش ولا ايه؟ واحد منهم بدأ يضحك وبدأ يتجاوب واداني ادى حته وش

جس الثاني قفل وشه - 00:02:04

انت قافلة انا انا ماشي قاعد افكر يا ربي! يا رب هو ده فاكرا انه هيروح فين! هو ده لو ما ركبش السفينة! لو ما ركبش سفينة النجاة

الوحيدة! فاكرا انه هيروح - 00:02:24

ابو حسين اركب معنا. اركب معنا ده النداء بتاع درس الليلة. ولكن قبل ما نبدأ نتكلم قبل ما نبدأ نتكلم يا جماعة عن النداء ده. لازم

نفهم هو ايه اللي جوة السفير - 00:02:34

ايه اللي بره السفينة؟ لازم نفهم يا جماعة. برة السفينة في ايه؟ وجوة السفينة في ايه؟ لانك لو بصيت برة السفينة هتترعب. ولو

بصيت جوة السفينة هتزهلي من اللي جوة السفينة ايه اللي برة السفينة؟ برة السفينة معاصي لا يتخيلها انسان. برة السفينة جرأة

على الله لا يتخيلها بشر. برة السفينة كبائر - 00:02:44

بببارز الله بها ليل نهار. برة السفينة جراءة على الله. يعني اللي برة السفينة هيغرق هيغرق. اللي برة السفينة ما فيش حاجة هتعصمه من العقوبات اللي هتنسى ما فيش حاجة هتعصبه من الصدمات اللي هتحصل له. اللي برة السفينة يا جماعة. يعني يعني انا مش قادر

اتخيل اللي يشوف المنظر بتاع برة السفينة ازاى يجرو - 00:03:04

ازاي المغني اللي قعد يحضر شهر كامل عشان الحفلة اللي هيعملها في شم النسيم؟ انا مش قادر اتخيل ازاى جاره؟ انه يعيش شهر بببارز ربنا مش قادر اتخيل اللي قعدت قدام المراية ساعتين وهي بتتمكيح وبتفتن المسلمين بكل شكل وصورة. ازاى جرؤت ان ما

فيش صاعقة تنزل عليها - 00:03:24

وهي واقفة في الساعتين دول نمارس ربنا بالمعاصي. انا مش قادر اتخيل اللي برة السفينة ده وشايف الموج اللي زي الجبال وشايف ان هيحصل صدمات للعيش براها صدمات! ايه الصدمات بتاعك! اللي قاعد برة السفينة! يعني قبل ما نبدأ نتكلم يا جماعة! قبل ما

نقول اركب معنا! انت عارف انت لو فضلت مرة - 00:03:44

الالتزام هيحصل ايه بتركب سفينة التوبة هيحصل تعرض لها اللي واقف بره السفينة اول المقطع بتاع الموتات. انا قاعد ابص للعب

الماكمة وهو ملك الموت بينزل عليه. بعد ما انيم اللعب الثاني في الارض ورافع ايده وفرحان والناس - 00:04:04

سقف له ملك الموت نزل عينيه وهو قاعد يقعد واحدة واحدة وهو قاعد يتني ظهره واحدة واحدة وهو قاعد بيقاوم انه يستسلم للموت وخلاص الموت هيصرف وقعد يبص للجمهور الجمهور ببص فاكرين ان هو ببص لهم وفرحان وببصقوا له وهو ببص والله

اعلم هو بيفكر في ايه حتى اذا - 00:04:38

اللحزة اللي جاية جاية لحزة منزر اللعب الايطالي وانا بتفرج عليه وهو بيموت في الملعب واحد يرفع راسه يرفع راسه واصحابه

مش واخدين بالهم كلهم بيجرو على الكورة ما حدش واخذ - 00:04:58

من صاحبه يرفع راسه ولسه بيحاول يجري على الكورة بيكافح بيقاوم. مش عايز مش متخيل ان هو ممكن يكون بيموت. يقوم مهبود على وشه يقوم يحاول يرفع راسه ثاني ويحاول يزحف على الكورة. يقوم مهبود على وشه. تالت مرة وهو بيحاول يرفع راسه

اتهبده هبده الموت. ما قامش ثاني - 00:05:08

وامشي ثاني. يعني حتى اذا اللحزة دي جاية جاية صدمة الموت. صدمة ان كل حاجة انتهت. حتى اذا جاء احدهم لما بيحي بيحي للواحد لوحده ما بيحسش باللي حواليه. ما فيش مشاركة في الموت. الام الاخرة لا تجدي فيها المشاركة. الام الاخرة لا تجدي فيها

المواساة. الام الاخرة لا تجدي في - 00:05:28

فيها رسائل التخفيف ولا رسائل التهوين. اصبروا او لا تصبروا سواء عليكم. حتى اذا جاء احدهم الموت قال رب ارجعون لعلني اعمل صدمة. صدمته عند الموت. صدمة البرزخ. دي صدمة تانية. مستني اللي مش راضي يركب السفينة. ومن ورائهم برزخ الى يوم

يبعثون. لما - 00:05:48

خدت شباب الدرس آآ من اسبوع كده في وسط الاسبوع وطلعنا نזור المقابر زيارة جماعية كان فيها اخوة وكان فيها اخوات طلعنا نזור المقابر زيارة جماعية طلعنا تقف قدام قبر وقفنا قدام قبر قديم اوي. بقى له سنين طويلة قوي شكله كده يعني بقى له سنين ما

فيش حد اصلا قرب منه. قبر مفتوح وقديم - 00:06:08

ومنزله كأنه خرابة مش كأنه قبر. وقفنا قدام القبر كلنا مش متخيلين. يعني ايه حبسة الموت؟ يعني ايه انسان هيدخل ومش هيخرج الا يوم القيامة؟ مهما عمل الصدمة يا اخوانا فيه ناس مش متخيلة هذا الامر فيه ناس مش عايزة مش عايزة مش عايشة هذا الامر.

صدمة البرزخ. الصدمة الثالثة صدمة البعث. يعني ايه - 00:06:28

في صدمة البعث يعني انا كنت متخيل لحد فترة قريبة جدا لحد حاجة قريبة جدا كنت متخيل ان البعث ان التراب بيتجمع بتاع الاجساد ارواح بتنفخ والقبور بتنشق والناس بتطلع لحد ما بدأت اتدبر في بعض النصوص القرآنية والنبوية. اكتشفت يا جماعة ان

البعث مش زي ما احنا فاكرين. زي ان شاء الله اسبوعين ثلاثة كده في - 00:06:48

الجماعة الشرعية درس الجمعة اما هنتكلم عن البعث. هنتكلم بطريقة جديدة خالص يا اخواننا. ويوم ويوم ينفخ في الصور ففزع من في السماوات ومن في الارض الكل المخلوقات كلها. الكون كله ينفزع. يعني الصحيان زي ما كان الموت بفع. زي ما كان الموت بشدة. زي ما كان الموت صعب - [00:07:08](#)

الصحيان يبقي صعب جدا. ففزع من في السماوات ومن في الارض الا من شاء الله. وكل اتوه وكل اتوه. الحديث اللي يرعب حديث النبي عليه الصلاة يصعق الخلائق يوم القيامة. فاكون ممن يصعق ايه ده! هو فيه صعق! هو الناس ماتت بصعق! ها ونفخ في - [00:07:28](#)

في فصائل ومن في السماوات ومن في الارض. الناس ماتت مصعوقة. انما الناس تصحى بصعق. يعني الكل هيدوق فزع الصاعق وهو بيسعى. يصعق الخرائق اكون ممن يصعق النبي عليه الصلاة والسلام بيقول فانا زي ما الناس بتصعق انا هكون ممن يصعق. فاكون اول من يفيق. اول واحد هيفوق - [00:07:48](#)

الطاقة ديت لفظ غريب جدا الافاقة دي بيستخدم لما يكون واحد داخل يعمل عملية جراحية لما يكون واحد بيعمل عملية جراحية فيدخلوه حاجة اسمها اوضة شفاقة بياخد كذا ساعة على ما بيصحى. بياخد كذا ساعة على ما يعني بيقدّر ان هو يفوق. على ما بيقدّر ان هو يركّز او يعي ليه؟ لان - [00:08:08](#)

وكان داخل في تجربة صعبة جدا فاكون اول من يفيق. يعني يا جماعة اللي بيصحى يوم القيامة مش بيقوم من تحت التراب كده فايق ومركز وكل حاجة ده اللي بيصحى - [00:08:28](#)

في يوم من الايام ده بياخد فترة على ما بيبدأ يركّز عم عقله بيرجع له. اما تركيزه بيرجع له عما وعيه بيرجع له. فاكون اول من يفيق. فاذا بموسى تباطش بقائمة من قوائم العرش. فسيدنا محمد بيقول الاقي سيدنا موسى ماسك في العرش فلا ادري افاق قبلي - [00:08:38](#)

يعني سيدنا موسى صحي مصعوق زيه زي كل الخلائق بس قدر يفوق بسرعة قدر قدر يرجع له يعني يعني انتباهه للاحداس ترى ام انه جزي بصعقة البعث بصعقة الطور ولا بسبب الصعقة اللي صعقة لما ربنا تجلى للطور ربنا نجاه من ساقط يوم القيامة او - [00:08:58](#)

طاقة البحث. يعني ايه يا جماعة؟ يعني صدمة البعث. فيه ناس هتتصدم ساعة البعث. هي مش فاهمة ان البعث ده ان البعس ده يعني ما هواش متخيل ان بس ده صعب ان البعس ده اتفزع. ان البعس ده ففزع من في السماوات ومن في الارض صدمة. صدمة السؤال سؤال الملكين. لما يسألانك - [00:09:18](#)

من ربك؟ ما دينك؟ من نبيك؟ فيقول ربي الله وديني محمد ونبيي ونبي محمد وديني الاسلام. فينتهره ويقول من ربك؟ ما فينك ما نبيك لما يصدم ان الامتحان ما طلّش سهل؟ لما يصدم ان الموضوع ما طلّش سهل كل ده للي بره السفينة يا جماعة. صدمات احنا دلوقتي هنتكلم عن اللي جوة السفينة بقى - [00:09:38](#)

هنتكلم عن الواقع البديل تماما. الوقتي اللي مش راضي يركب ده ما هوش متخيل الاخطار اللي مستنياه ايه. ما هوش متخيل الصدمات اللي مستنية ايه؟ صدمة الميزان الكلمة اللي بتزلزل القلوب في صورة الزلزلة اللي بتزلزل القلب والعقل والجسد والروح. قول الله سبحانه وتعالى في نهايتها. فمن يعمل مثقال ذرة - [00:09:58](#)

خيلا يرى ومن يعمل مثقال ذرة شرا يرى صدمة الانسان ان الميزان ما كانش متخيل انه كده انه بيطلع وينزل بمثقال الزرة. مثقال ذرة حسنة تطب بكافة الحسنات. ومثقال ذرة سيئة تطبق كفة السيئات. ما كانش متخيل ان ميزان - [00:10:18](#)

حبال ادق من ميزان الذهب والجواير. ما كانش متخيل صدمة الميزان. صدمة النار. تلفح وجوههم النار. النار ما طلّعتش يا جماعة للي بيترمى فيها بس. ده طلع في ناس برة النار ووصل لهم لفح النار. لواحة للبشر. يعني ايه لواحة بتسود وشوش البشر من اللّح بتاعها؟ لواحة للبشر تلفح - [00:10:38](#)

جهاهم النار ان عذاب النار يعني عشان كده النبي عليه الصلاة والسلام قال ان من صام يوما في سبيل الله بعد الله وجهه عن

النار سبعين خريفا. يعني ممكن من - 00:10:58

سبعين سنة اللي بينه وبين النار سبعين سنة يبقى بينه وبين النار عذاب. يبقى الصهد بتاع جهنم بيلفح الوجه بتاعه. تلفح وجوههم النار. انه اكتشف ان النار ما سهلة ان النار مش بتعذب اللي اترمى فيها بس. ان اللي برة النار بس مش بعيد عنها بمسافة كبيرة.

ممكن يذوق لفح النار. تلفح - 00:11:08

لواحة للبشر صدمات يا اخواني. صدمات صدمات محتاجين ان احنا نقف ونفكر فيها. يعني عايز اقول ايه؟ عايز اقول ان قبل ما اي انسان يرفض انه يركب. قبل ما اي انسان يرفض النداء بتاع سيدنا نوح اركب معنا. لازم يفكر الاول هو لو فضل برة هيحصل ايه؟ لو فضل - 00:11:28

استطوفان المعاصي دي ازاى؟ ازاى المتبرجة جرأت؟ انها تمشي في الشارع عشر ساعات وهي بتبارز ربنا بالمعاصي. مش قادر اتخيل يا اخواننا ازاى؟ ازاى في فرقة قاعدة تعزف وترقص وتضل الناس عن ربنا سبع ساعات من العشاء للفجر اتجرأت انها تفضل تعمل كده وهي بعيدة عن ربنا سبحانه وتعالى - 00:11:48

الناس جرأت ازاى المرابي؟ جرؤ انه يدخل البنك. يعني الواحد بيمشي جنب البنك ما بيجرؤشي ان هو يحط رجله على الرصيف بتاعه بس. يعني من من الرعب من عاقبة الربا. من الرعب من لعنة الربا والعياذ بالله. ازاى انسان يجرؤ انه قعد ياكل مال حرام طول حياته؟ ازاى واحدة تجرؤ انها سنين متبرجة - 00:12:08

زي شاب يجرؤ انه كل يوم يدخل على موقع اباحي ازاى؟ ازاى انسان يجرؤ في وسط الموج اللي كالجبال ان هو يفضل قاعد براه وهي تجري بهم في كالجبال ده بره السفينة امال جوة السفينة ايه بقى؟ الكلام النوراني بتاع سورة نوح. فقلت استغفروا ربكم. اركبوا السفينة. اركبوا معنا - 00:12:28

طب لو ركبنا معك يا نوح؟ ايه اللي جوة السفينة؟ كلمنا السفينة دي جواها ايه؟ كلمنا لان الشيطان يعني الشيطان ما هواش سايبنا لان الشيطان ما هواش سيدنا نفكر ايه اللي جوة السفينة؟ انتم عارفين انتم لو ركبتم هتاخذوا ايه؟ انتم عارفين جوة السفينة ايه؟ فقلت استغفروا ربكم انه كان غفارا - 00:12:48

السفينة ما فيش عقوبات. جوة السفينة ما فيش صدمات. جوة السفينة ما فيش عذاب. جوة السفينة ما فيش العنت والالم والهم اللي برة السفينة انه كان غفارا يرسل السماء عليكم. جوة السفينة السما كأنها مخلوقة للناس ديت. يرسل السماء عليكم مدرارا. الخير ورا - 00:13:08

خير ورا الخير. طريق الالتزام طريق كله عطاءات يا جماعة. طريق الالتزام طريق كله نفعات. احنا دخلنا طريق الدين. دخلنا طريق الدين. قعدنا فيه فترة يعني بنقدم رجل وبنأخر رجل. ما كناش فاهمين ايه عطاءات الطريق. في الفترات اللي فصلنا فيها لطريق ربنا. اللي فصلنا فيها ان ربنا هو حياتنا. ان الدين هو - 00:13:28

ان الدعوة هي جهدنا وعمرنا الفترات دي يا جماعة كل يوم هو في فتح. مش ربنا بيقول يسأله من في السماوات والارض كل يوم هو في شأن هي ايش شغل ربنا انه بيدي وبيفرج وبيحفز وبيرفع وبيكرم وبيغني وبيشفي يعني كل يوم فيه فتح جديد كل يوم فيه مدد جديد - 00:13:48

كل يوم في نصر جديد كل يوم في عطاء جديد. ابشري يا اللي هتركبي السفينة. ابشري يا اللي هتركب السفينة. انت كل يوم في فتح من فتوحات ربنا. انت كل يوم - 00:14:08

في عطاء من عطاءات ربنا. انت اولي الناس بعطاء الله. لما النبي عليه الصلاة والسلام يوصف يمين الرحمن ويقول سحاء الليل والنهار. يعني الخير نازل من من خزائن ربنا فيضانات. يعني انت لو انت متجوز ومخلف وبتصرف في اليوم خمسمية جنيه. يقينا تسعة وتسعين في المية من انفاقك على - 00:14:18

طب لما خزائن ربنا بينزل منها الخير ده كله يا جماعة. الخير ده مين؟ الخير ده اللي الزناة. الخير ده للسرقه. الخير ده للحكام الزلمة. الخير ده بالتأكيد للطائعين والطائعات - 00:14:38

الخير ده بتأكد لهذه السفينة الوحيدة اللي ربنا غامرنا بكرمه. وربنا غامرنا بعطائه. الخير ده لمين يا جماعة؟ الخير ده لكم. الخير ده للي هيرضى بركب السفينة. جوة السفينة يرسل السماء عليكم مدرارا. يرسل السماء عليكم كأن السما دي ما اتخلقتش غير عشانكم انتم - [00:14:48](#)

كأن خير السما ده ما بينزلش غير عشانكم انتم مبراراً ورا بعضه ويمدكم باموال مدد من الله. الغنى يبقى مدد من الله ويمدكم في اموال مش بمال لان المال انواع والمال اشكال. يعني ربنا بيغني اللي بيقبل عليه. بيغني اللي بيعيش عشانه. يا اخوانا الواحد يوم ما التزم - [00:15:08](#)

لم يكن يتخيل ان طريق الدين كله عطاءات كده. ان طريق الدين كله رحمت كده. كل ما بشوف اخ من اخواني اغلى من ملايين الدنيا كله انها تتعرف على واحد زي ده. كل - [00:15:28](#)

ربنا بيمن على الواحد بركتين. قلبه يبقى فيهم مع ربنا. كل مع كل فتح جديد مع كل نور جديد. مع كل اية الواحد بيعس بها. مع كل عطاء من عطاءات ربنا في الدنيا وفي الآخرة مع كل كلمة نور بتخرج على لسان يعني حد من ولادك وتحس مع كل مرة الواحد بيعس ببركة - [00:15:38](#)

وعطاء ربنا بيقول كل ده ليه يا رب؟ كل ده ليه؟ انا ما استاهلش بس ربنا كريم. اللي بيركب السفينة دي ربنا بيعرقه كرم يا جماعة. ربنا بيعمره يا اخوانا لما بقرأ سورة قريش وربنا بيقول قيل فيهم رحلة الشتاء والصيف اقول سبحان الله يا رب ده عطاءك للكفرة امال عطاءك للمؤمنين - [00:15:58](#)

ده عطاءك للي بيسجدوا لهبل ومناه. امال عطاءك للي بيسجدوا لك انا الليل واطراف النهار ايه يا رب؟ ده عطاءك للي بيقربوا القرايين للاوثان امال يا رب عطاءك للي يقف بين ايديك في التلت الاخير ايه يا رب؟ امال عطاءك للي هيقل عليك ايه يا رب؟ امال عطاءك للي مش هيعب غيرك ومش هيفخ من غيرك ومش - [00:16:18](#)

غيرك ونفر عمره عشانك انت. اركب معنا. اركب معنا. انت عارف جوة السفينة ايه. يرسل السماء عليكم مدرارا ويمدكم باموال ويمدكم باموال مدد من الله فلوس ربنا بيدي فلوس ربنا بيدي فلوس بس اركب - [00:16:38](#)

وبنين ربنا بيدي الزرية ونكرة بقى للتعظيم وبنين. يعني لما يدي هيدي ربنا يبقى بيقول ووهنا لداود مين سليمان لما ادى له قالوا وبنين ويجعل لكم جنات. ويجعل لكم انهارا. يعني جغرافيا الارض تتغير عشان اهل الطاعة. جغرافية الارض تتغير - [00:16:58](#) عشان المقبلين على الله سبحانه وتعالى جوة السفينة جوة السفينة عطاءات عزيمة قوي يا جماعة. جوة السفينة كرم كبير قوي من ربنا. جوة السفينة عطاءات كبيرة قوي من ربنا عشان كده اول اسم من اسماء الله الحسنى. نزل في القرآن نزل في سورة العلق اول سورة نزلت. اقرأ وربك الاكرم. اسم الله الاكرم. يعني ايه الاكرم يا جماعة - [00:17:18](#)

بيقول لك فلان مسلا اهتم يعني ايه اهتم؟ يعني اهتم ملازمه ليل نهار. فلان مسلا احبب يعني ايه احبب؟ يعني الحذب ضهره متني ليل نهار الاعمى يعني ايه؟ يعني مش بيفتح ساعتين ويتعمى اعمى ليل نهار. فصيغة افعال تدل على السبوت والمداومة والاستمرارية. يعني ايه الله اكرم - [00:17:38](#)

يعني كل افعاله كرم. يعني الكرم والاكرام لا يغادر صفاته. ربنا كريم. ربنا هيملى حياة الكرم بس لو انت اقبلت عليه لو انت عشت في كنفه لو انت عشت في رحابه. ده جوة السفينة وده برة السفينة. اركب معنا. ما حدش متخيل خطورة المعاصي. ما حدش متخيل خطورة المعصية يا شيخ - [00:17:58](#)

ما حدش متخيل الخنزير اللي ادهن بني واتكتب عليه خروف والناس كلته وحطت عليه كاتشب ومايونيز وعملته شاورما وعملتوا سندوتشات مش واخدة بالها ان هو خنزير هيفضل خنزير. الخنزير خنزير مهما اقتبس عليه. ما حدش متخيل خطورة المعصية ايه؟ ما حدش متخيل خطورة البدعة ايه - [00:18:18](#)

عشان كده الحاجة اللي انا عايز اسألها لك. والسؤال اللي انا عايز اسأله لك. خايف تتركب ليه؟ خايفة تركبي ليه؟ خايف تركبي ليه؟ خايف تفصل لطريق ربنا ليه؟ خايف تفصل ليه؟ اوعى يدحك عليك لما بقف مع الشباب في الجولات

وابص الاقي ده خايف - 00:18:38

من تريقة تصحبه عليه خايف يركب السفينة احسن اللي برة السفينة اللي قاعدين يغرقوا. اللي برة السفينة اللي قاعدين ياخدوا صدمة ورا صدمة. اللي برة السفينة اللي بيهلكم يقعدوا اتريقوا عليه وهو لو عاقل هيقف ويقول لهم اه يا غلابة. ده انتم عايزين حد يرمي لكم طوق نجاة. خايف من التريقة. خايف من السخرية. قابلت ناس - 00:18:58

في جولات وقفت مع شباب في جولات خايف احسن الدين يطلع خنيق. خايف معتقد ان انا لو سبت البنات والشات والكليات وال قهاوي والرحلات والطلعات يبقى انا مش هعمل حاجة. هقعده في اوضة فاضية كده واقفل النور علي. وحاطط المصحف قدامي وحاطط ايدي على خدي. وما ليش نفس اعمل حاجة في الحياة وكل حاجة في الحياة حرام. معتقد ان حياة - 00:19:18
صح يا خبيثة. معتقد ان الملتزمين دول سابوا الشقة كلها وقاعدين في اوضة. وهي وضع حضرة ما هواش فاهم الدين واسع قد ايه؟ الدين جميل قد ايه؟ الدين فيه قد ايه؟ الدين في روعة لما بيبقى يعني الواحد بيبقى قاعد مع اخوانه. سبحان الله العظيم! قاعد ما امبارح قلت انزل المسجد بدري اصلي قيام ليل. سبحان الله! لقيت - 00:19:38

فلان جاي اخوانا جاي واحد من اخوانا سخن قام رايح عامل لنا حمام محشي. وقام جاي متسحرين حمام واحنا قاعدين يا اخوانا وشافوا فراخ انا قاعد يا اخوانا انا قاعد افكر هو يعني الواحد ما لوش نفس ياكل. الواحد مش عايز ياكل. الواحد فرحان باخوانه. هو فيه ايه؟ هو الاخوة جميلة كده! هو الناس لما - 00:19:58

اقبل الدين وتعيش جو الدين. في واحد تاني بقى متهيأ له انتم نازلين في البرد. وقاعدين تصلوا في المسجد في البرد وهو مش متخيل. رفعة الايد لربنا قبل الفجر بربع - 00:20:18

يعني طب انا ايه؟ مش متخيل فرحة قلبك وقلبك بيرقص وربنا مائن عليك. ان ان وقت تنزل الملك انت رافع ايدك بتقول يا رب وانت موقن ان ربنا مش هيخيب دعاءك. وان ربنا مش هيخيب رجائك. فرحة الصلبة الصالحة. وانت قاعد وسط ناس بيهبوك بجد وبتحبهم بجد - 00:20:28

قلوبكم صافية لبعض بجد. كل واحد مستعد ان هو وهو بيموت يشيل شربة الميه من بقه ويشرب اخوانه لها. بجد ناس بتحبه وربنا بجد وبتحب في الله بجد يا جماعة. ناس عايشة دين بجد مش عايزة تتركب ليه؟ الدين خنيق ده المعصية هي اللي خنيقة. يا اخوانا اركب معنى - 00:20:48

قاعد في سفينة والسفينة فيها كازينو وفيها كل ما لز وطاب والسفينة فيها جو وحفلة وبهجة وواحد بيغرق وقاعد فرع الامواج والجن قاعدين يشدوا رجليه لتحت عشان الشياطين يضيعوه. والتاني بيقول له ارمي لك طوق نجاة. يقول له طوق نجاة ايه؟ انا خايف احسن - 00:21:08

انت فينا تطلع خنقة! يا عم انت اللي عايش في خنقة! يا عم انت اللي ضايع! يا عم انت اللي بتهلك! يا عم انقز نفسك من اللي انت فيه! الخوف من السخرية قابلت شباب - 00:21:28

خايف من التريقة قوي قوي وقابلت شباب خايف ان الدين يطلع خنيق. وقابلت شباب تاني ايماست ليف ماي لايف. ما انت خايف تتركب ليه؟ ما انا بتناقش معك الوقتي. خايف تتركب خايف من حد - 00:21:38

اتريق عليك انت عارف ربنا هيعزك قد ايه. انت عارف ربنا كان احد الشباب سبحان الله الشاب ده دلوقتي بقى ان شاء الله من خيرة الاخوة يعني. الشاب ده انا فاكر كنت زمان - 00:21:48

كنت انا وبعض اخواني منهم دكتور محمد علي يوسف طبعا عارفينه على القيس يعني كنا قاعدين ندعوه الى الله. وهو قاعد ايه مش راضي واصحابي يتريقوا علي فمرة سخن قلبه وقام نازل لاصحابه وقام مكلمهم في الدين. قعد يكلمهم عن ربنا. فالشلة بتاعته كلها اتأسروا به. انا فاكر يوميهما وهو راجع. انا مش مصدق اللي حصل ايه يا ابني في ايه - 00:21:58

هذا كل واحد واخذني على جنب. انا عايزك تقعد معي قعدة لوحدي لوحدا. انا بيقول انا حسيت فجأة ان انا بقيت اهم واحد في القعدة كلها. وكله عايز يقعد مع - 00:22:18

والله العظيم هو خايف ان الناس تتريق عليه ومش عارف ربنا هيعزه قد ايه بسبب الالتزام. خايف ان الدين ايماست له في ماي لايف الشباب الوقتي انا لازم اعيش حياتي - [00:22:28](#)

انا انا مش هقدر اسيب اي حاجة فيها متعة. انتم مش عارفين الدنيا وصلت ليه؟ الدنيا وصلت ليه يا ابني؟ الدنيا وصلت لايه؟ ده طريق اللي اللي بيمشي شوفي بيتبطح لازم كل واحد يمشي لاخره ويرجع الدم بينزف منه وهو بيعيط ويقول حرمت لازم تتبطح عشان تحرم لابد ان ندخل المصيدة حتى - [00:22:38](#)

ان اعلم ان ما كان فيها كان طعما لازم كل مرة كل واحد لازم يبلع الطعم. ما حدش عايز يصدق ربنا سبحانه وتعالى. مش عايز تقوله كده ليه؟ مش عايز تركب ليه؟ فيه شاب بيقول لك - [00:22:58](#)

فسيب كل ده هيسيب كل ده عشان ايه؟ عشان ايه اسيب كل اللي انا فيه ده؟ حسين انت محسني ان انت يعني هارون الرشيد تقول لي انا هسبب الملك! هتسبب ايه يا ابني! انت عارف انت كل حاجة من الحاجات اللي حواليك ديت سبب من اسباب الخنقة اللي انت فيها. هتقول لي انا سعيد. هاقول - [00:23:08](#)

ما لك كذاب والله العظيم كذاب. ولو قعدت تحلف انك ساعتها اقول لك كذاب. عارف ليه كذاب؟ لان هيصدقك هيصدق ربنا. يا انت صادق يا ربنا صادق. تخيل بقى! ربنا - [00:23:28](#)

قالوا انك لا يمكن هتعيش سعيد وانت بتعصي ربنا. وانت بتقول انا بعصي له عايز سعيد. يبقى انت كذاب. هسبب كل ده عشان ايه؟ عشان ربنا. عشان حبيبك. عشان انت - [00:23:38](#)

سب اي حاجة عشان اي حاجة الا عشان ربنا. اصحابك بتسيبهم عشان الامتحانات وبتسيبهم عشان انت دخلت كلية بعد السانوية العامة وهم دخلوا كلية تانية. وبتسيب عشان واحد منكم سقط سنة فساب اصحابه وبقي له اصحاب جديد في الدفعة بتاعته. وبتسيبهم لما بيحي لك عقد عمل تشتغل بره بعد التخرج وتقول هعمل ايه انا لازم اشوف مستقبلي - [00:23:48](#)

طب ليه ما بتسيبش صحبة السوء عشان ربنا؟ ليه؟ ما بتسيبهاش عشان ربنا. يبقى انت بتسيب اي حاجة عشان اي حاجة الا عشان ربنا سبحانه وتعالى مش عايز تركب ليه؟ مش عايز تركب ليه؟ اه عشان المعصية الفلانية. عشان الغرزة اصل كل شاب من الشباب عنده غرزة. يعني ايه عنده غرزة؟ عنده معصية؟ هو - [00:24:08](#)

عارف انه لو التزم لازم هيسيب دي. لان دي حرام ان هو يفضل فيها. فهو مش متخيل لا يمكن انا ممكن اسيب اي حاجة الا فلانة. انا ممكن اسيب اي حاجة الا - [00:24:28](#)

الموقع الفلاني. انا ممكن اسيب اي حاجة الا المغني الفلاني. يعني سبحان الله العظيم هو مش متخيل ان المعصية ديت ممكن تكون هي التمن بتاع الجنة. ممكن تكون في التمن هي المهر بتاع الجنة. هي دي اللي لو قدر يسيبها ربنا هيدي له بها الجنة. هي دي التضحية اللي ربنا هيكرمه في الدنيا قبل الاخرة بسببها - [00:24:38](#)

هو مش متخيل دي بالزات تمنها عند ربنا ايه؟ مش متخيل ترك دي بالزات غالي عند ربنا قد ايه؟ وربنا هيعوضه عشان قد ايه احد اخوانا في الجولة فبيكلم شاب من الشباب فالولد قلبه اتأسر. فصاحبي بيقول له من ترك شيئا لله عوضه الله خيرا منه. فيقول له انت بتقول يا شيخ قل لي الكلمة اللي قلتها تاني كده. فقال له - [00:24:58](#)

من ترك شيئا لله عوضه الله خيرا منه. بيقول ليه تقوم مطلع مطوة؟ فصاحبي بيقول اجهزت. اتاريه انه بيرميها. فقام راميتها. وبعد كده قال له قل له يا شيخ تاني الكلمة دي تاني. قال له من - [00:25:18](#)

فك شيئا لله. عوضه الله خيرا منه. بيقول قام مطلع الولاة وامر بها. ده لو كمل بقى ده هيسبب كل حاجة. ده هيتغير تغير شامل انسان قلبه اتحرك مع كلمة واحدة. من ترك شيئا لله عوضه الله خيرا منه. مش عايز تركب ليه؟ يأسان يأس ليه؟ حاولت الف مرة مش هقدر - [00:25:28](#)

حاولت الف مرة ان انا اسيبه وما قدرتش ورجعت تاني. حاولت الف مرة ان انا اطيع وما عرفتش اسبت وما عرفتش اكمل. يا اخي انه لا ييأس من روح الله. الا - [00:25:48](#)

هم الكافرون. هو فيه سيء اسمه رحمة ربنا سبحانه وتعالى. انت كل مرة وقعت وقعت لانك كنت عايز تروح لربنا لوحده. وما حدش هيقدر يروح ربنا لوحده. انت فاضي انت تدخل لربنا بفكر جديد. المرة دي انت هتخلص الدرس داهو وهتلاقي ورش مستنياك.

وهتلاقي صحبة سالحة مستنياك. وهتلاقي صحبة سالحة مستنياك - 00:25:58

وهتلاقي ناس تاخد بايدك وناس تاخد بايدك وهتلاقي بيئة ايمان وهتلاقي ناس بتحبك. زي ما بتحب اكثر ما بتحب الدنيا واللي فيها انت اغلى عندهم من الدنيا واللي فيها يبقى يائس ليه؟ يأس خايف ان ربنا ما يقبلكش؟ فيه شباب يقول لك هو معقول ربنا يقبلني؟

بس انت تعال اولئك - 00:26:18

بدلوا الله سيئاتهم حسنات. ده ربنا هيبديل لك كل حاجة. هيبديل مشاكل حياتك لفرج. هيبديل ضيقك اكتئابك وتوترك لسعادة وسكينة.

هيبديل فرك لغنى. ربنا قادر يا جماعة. ربنا ادى للصالحين حاجات كتير قوي. ربنا بيدي والله يا جماعة - 00:26:38

والله اللي عايز ياكل بقلادة يمشي في طريق ربنا. اللي عايز ربنا يغرقه عطاءات. اللي عايز ربنا يغرقه كرم. اللي عايز ربنا يغرقه اكرام عنده سبحانه وتعالى. انا لو قعدت اتكلم انا واحد ربنا اداني ايه في الطريق ده؟ انا مش هقدر اوفي. والله ما هقدر اوفي. لو قعدت

اشرح ربنا اداني ايه - 00:26:58

من يوم ما دخلت الطريق بتاعه ربنا اداني ايه في كل حاجة ممكن حد ياخدها. وده مش فرض ده اي حد دخل كده. ده اي انسان

دخل كده واحنا بنقول الحمد لله رب - 00:27:18

على مين؟ في الفاتحة لو وزعنا كشكول على كل واحد كتب نعم ربنا عليه. وقرينا الكشاكيل بتاعة الناس هنلاقي كل واحد كشكول

غير الثاني. ربنا كريم ربنا واسع وربنا بيدي لكل وكل اللي هيمشي في الطريق ده هياخد. وكل اللي هيقبل على الله هياخد يبقى

خايف تركب ليه؟ استغفروا ربكم انه - 00:27:28

كان غفارا استغفروا ربكم. انت تعرف في ناس تعبت قد ايه؟ عشان انت تركب السفينة دي. انت عارف في ناس ضحت بعمرها قد

اياه؟ عشان انت تركب السفينة انت عارف في ناس بذلت قد ايه عشان يبقى في طوق نجاة. يترمي لاي واحد ولاي واحدة عشان

يطلع ويركب. انت عارف في ناس ضحت قد ايه - 00:27:48

لو شفت النبي عليه الصلاة والسلام وهو رايح لرحلة الطائف تسعين كيلو متر على رجله. تسعين كيلو متر فكرت واحنا في عمرة ان

احنا نعمل رحلة للطائف ونركب اتوبيس مش مكيف. والله ما حد يستحملها يا جماعة. حد يقدر يستحمل الحر النار بتاع السعودية.

حر نار. يعني ده لا اتوبيس مغطي الراس - 00:28:08

من غير تكييف. فما بالك النبي عليه الصلاة والسلام وهو ماشي على رجله تسعين كيلو متر. ماشي على رجله. يعني ماشي من

المنصورة لبنها على رجله. عليه الصلاة والسلام كل قرية من الطريق من المنصورة لبنها يدخل يكلمهم عن ربنا. ما فيش حد راضي

يقبل. والتحطيم النفسي اشد من الالم البدني. ويروح هناك يلف على الناس ويلف على - 00:28:28

بيوت ما حدش عايز يقبل ما حدش عايز يقبل كله يطرده في النهاية. كله يرفضه في النهاية. يخرج عليه الصلاة والسلام بهدوم ممزقة

من الرمي بالحجارة ورجلين بينزفوا دم من القذف بالطوب عليه الصلاة والسلام. ونفسية مشروخة من الالم الرهيب اللي عانى منه

النبي عليه الصلاة والسلام - 00:28:48

يفضل ماشي عدة كيلو مترات لم يستفق يعني النبي يقول انا مش داري مش داري بنفسي من الهم الرهيب اللي جوة النبي عليه

الصلاة والسلام لحد فبدأ يستجمع قوى تاني ووقف يصلي عند قرن الثعالب عليه الصلاة والسلام. انت عارف في ناس بذلت عمرها قد

اياه؟ عشانك عشان يبقى السفينة دي موجودة - 00:29:08

بيبقى فيه دين في الارض عشان رحمة ربنا بسفينة الدين تفضل موجودة. انت عارف في ناس ضحت قد ايه؟ يا اخوانا انا اللي

بستعجب منه اللي راكب جوة السفينة ومش عايز ينقز - 00:29:28

اللي برة اللي راكب جوة السفينة وما عندوش هم انه ينقز اللي برة اللي مستعجب منه. اللي جوة السفينة قاعد في الجنة. اللي جوة

السفينة عارف ربنا اداله ايه ومش عايز - 00:29:38

اشكر نعمة ربنا ويرمي طوق مجال اللي بيغرقه برة. للي عايشين تعساء برة. قابلت شباب ملحد كثير. في ندوات الجامعات. يبجي يقول لي انا ملحد. نتكلم مع بعض بعد خمس دقائق يتأسر ويتفق معه ان هو هيبجي الدرس وهيسمع الدرس واللاقي فعلا ممكن يبجي الدرس ويسمع الدين - [00:29:48](#)

اخوانا الناس قريبة الناس قريبة الخميس اللي فات نزلت على قهوة من القهاوي وقمت قاعد وبدأت اتكلم انا بتكلم واحد اخواني يعني ايه بيرتل الايات بصوت حلو احيانا ينشد نشيد بصوت حلو احيانا وانا قاعد اتكلم واشرح للشباب سورة النبأ واشرح للشباب ربنا والدار الآخرة واتكلم على - [00:30:08](#)

الاحاد واتكلم على عظمة وجود الله وكل ما يبجي شلة شباب تقوم واقفة. كل ما تعدي شلة الشباب تقوم واقفة. لحد ما بقى الموضوع درس في الشارع. يعني مهرجان في الشارع - [00:30:28](#)

سبحان الله العظيم انا ابص في الآخر هي الناس دي كلها عايزة ربنا. الناس دي كلها ما صدقت انها لقت حد بيتكلم عن ربنا. الناس مقبلة على الله اللي جوة السفينة. وقدام - [00:30:38](#)

والف طوق ده جه ما بيرميش طوق ده جه ليه؟ ما عندوش رحمة ليه؟ عنده طريقة لانتاخذ الناس غير الدعوة الى الله ما فيش بديل يا جماعة. ما فيش بديل - [00:30:48](#)

قيل عن الدعوة الى الله. ما فيش بديل عن الدعوة. سيدنا سيدنا يونس عليه السلام. سيدنا يونس بعث الى نينوى اللي في العراق ثاني اكبر محافظة في اللي كان بيحكمها الكنعانيين اللي كان بيحكمها الاشوريين الظلمة اللي كان بيحكمها عباد الاوثان عباد عشتار وعباد الاشور وعشتار - [00:30:58](#)

جبابرة عسكريين امبراطورية عسكرية جبارة. ونزل واتكلم عن ربنا. ما خافش انهم يقتلوه. ما خافش انهم يعملوا فيه حاجة ليه؟ لان ما فيش بديل عن الدعوة. لان الدعوة ما فيش - [00:31:18](#)

مش بديل ان احنا نرمي طوق نجار الناس. الناس مش هتركب غير لما نزل لها. الناس الناس مش هتنقص غير لما ننزلها غير لما نعيش وسطها. غير لما نرمي لها طوق نجا - [00:31:28](#)

عشان ننقزها من اللي هي فيه. سيدنا زكريا عاش في دولة محتلة. سيدنا يحيى عاش في دولة محتلة. سيدنا عيسى عاش فلسطين محتلة. وكان محكوم بالاعدام على يحيى وزكريا واثنين انبياء مدبوحين ونزل اتكلم وما خافش لان ما فيش بديل عن الدعوة. لازم نرمي طوق النجا للناس. لازم ننقر الناس. لازم ننقص - [00:31:38](#)

اللي بيغرقوا برة لازم يبقوا في قلوبنا رحمة. لازم يبقوا في قلبي وقلبك وقلبك رحمة على الناس اللي بتغرق برة. سيدنا ابراهيم اكثر انسان لف الكرة الارضية عشان يرمي طوق نجا للناس. عشان ينقر الناس من من جهنم. عشان ينقر الناس من الالقاء في توابيت جمر. يظنون انه لا احد يعذب في النار - [00:31:58](#)

خيرهم وهم يعذبون وسط كثير من اهل النار. والعايز بالله نزل يرمي طوق نجا للناس. سيدنا محمد عليه الصلاة والسلام لما نزل الطائف نازل يرمي بطرق ده جه لاهل الطائف ليه؟ ما هم يضيعوا. ما ينفعش ملك الجبال نزل له ان شئت اطبقت عليه بالاخشمين. قال له عسى الله ان يخرج من اصلكم - [00:32:18](#)

بهم من يوحد الله سبحانه وتعالى. سيدنا موسى ما بين قومين جبارين. ما بين فرعون الفراعنة في مصر. وما بين الكنعانيين العمالة الجبار بورين ان فيها قومة جبارين في فلسطين. ومع ذلك ومع ذلك يرسل عشان دينه ويعدي لحد نهر الاردن ويروح للخضر. ومع ذلك يظل - [00:32:38](#)

ما بين الامبراطوريتين الجبارتين دول بالدعوة الى الله. شغال في الدعوة الى الله وسمير اسرائيل يا اخوانا احنا ما عندناش طريق ثاني. لا نملك طريق اخر. لا نملك وسيلة اخرى عايزين يبقوا عندنا رحمة عايزين نعرف يعني يعني ايه في سورة نوح ان انذر قومك من قبل ان يأتيتهم عذاب ان انذر قوم - [00:32:58](#)

امك يعني ايه انذر قومك؟ يعني ايه فوق الناس؟ اركب معنا اركب معنا يا اخوانا يعني كلمات كلمات بسيطة كلمات بنحاول نتكلم

فيها مع بعض بنحاول نتذكر فيها مع بعض. اتكلمنا فيها عن نقاط محددة. اتكلمنا فيها عن برة السفينة في ايه؟ وجوة السفينة في ايه؟ المنزر المرعب اللي برة السفينة. الصدمات - [00:33:18](#)

مرعبة في الدنيا وعند الموت. وفي القبر وفي الآخرة وفي البعث اللي مستنية وفي الميزان. اللي مستنية اللي برة السفينة واتكلمنا جوة السفينة. الجنات اللي جوة السفينة. العطاءات اللي جوة السفينة. الافراح اللي جوة السفينة. واتكلمنا خايف تركب ليه؟ خايقة تركبي ليه؟ ايه السبب - [00:33:38](#)

فيه ناس معقولة الشيطان يعني بييجي لناس يقول لهم اصحابك هيتريقوا عليك. وبيجي الناس يقول لهم الدين خنيق هتدخلوا فين؟ وبيجي لناس يقول لهم عيشوا حياتكم تيجي الناس يقول لهم هتسيبوا كل ده عشان ايه؟ وبيجي لناس يقول لهم طب والموضوع الفلاني لا يمكن تقدروا تسيبوه. لو دخلتم طريق الدين لازم هتسيبوه وبيجي الناس يقولوه - [00:33:58](#)

مش هتقدروا لا يمكن هتقدروا حاولتم الف مرة قبل كده وما قدرتوش. مش هتبقوا ناس كويسة وبيجي لناس يقول لهم ربنا مش هيقبلكم. الشيطان بيضحك علينا. هنسمع كلام الشيطان في الضحك علينا هنستسلم لكلام الشيطان في الضحك علينا؟ ولا هنقدر ان احنا نوصل لربنا سبحانه وتعالى؟ خايف تركب ليه؟ واللي جوة السفينة مش راضي - [00:34:18](#)

مجال اخوك ليه؟ مش راضية ترمي طوق نجاة لاختك ليه؟ واللي بزلوا عمرهم عشان السفينة دي تتعمل يا جماعة؟ يا ترى هنحترم الجهد الرهيب؟ اللي اتبزل العشير السفينة دي تتعمل في يوم من الايام - [00:34:38](#)

عايزين نشتغل في الدعوة الى الله واحنا بنتكلم ملامح من قصة سيدنا نوح ملامح اركب معنا من قصة سيدنا نوح في سورة هود وهو بينقز ابنه ولكن اصر على الضلال وسيدنا نوح في سورة نوح وهو بيقول لربنا انا بقى لي تسعمية وخمسين سنة يا رب. بقى لي تسعمية وخمسين سنة باكلهم عنك - [00:34:51](#)

في تسعمية وخمسين سنة بنزل لهم في الشوارع والنواصي والاسواق ليل نهار يا رب. تسعمية وخمسين سنة ما فيش يوم كسلت فيه. ما فيش يوم احبطت فيه. ما فيش يوم وقفت فيه. وبيشهد - [00:35:11](#)

الله سبحانه وتعالى ياه يا اخوانا العواطف اللي في اتجاهنا اللي في قلوبنا تجاه الدعوة. ازاى؟ ازاى قادرين نسكت واحنا شايفين ربنا بيعصى المعاصي دي كلها. ازاى عندنا جرأة ان احنا ما نتكلمش عن ربنا مؤمن ال فرعون فرعون واقف قدامه. والملا الأعلى رئيس المخابرات ورئيس الشرطة - [00:35:21](#)

ورئيس الجيش ورئيس كلهم واقفين حوالين فرعون. وقال رجل مؤمن من ال فرعون يكتم ايمانه وكل الزلما واقفين قدامه ما خافش ليه مش قادر اسكت مش قادر اكنم البركان اللي جوايا اكثر من كده. مؤمن قال ياسين نازل يتكلم عن ربنا لقي ثلاث مرسلين ولقى الناس رافعة السكاكين في وسطهم قال - [00:35:41](#)

فيقوم اتبعوا المرسلين انت ممكن تتقطع حتت. مش قادر اسكت. مش قادر ان انا ما اتكلمش. بركان. الغضب لله اللي جوايا يخليني مش قادر اسكت تسكت ده معناه ان ايمانه ضعيف. اللي بيشوف المنكرات وما بيتكلمش عن ربنا معناها ان ايمانه ضعيف. ايمانه ضعيف ماشي من ايام معي احد اخواني وحبائبي - [00:36:01](#)

هنا شاب ببص على بنت فصاحبي قام قايل له الجنة فيها احلى من كده بكثير اوي. الكلمة اسرت في قوي. قلت ياه هو عمل ايه؟ هو قال كلمة صغيرة. هو - [00:36:21](#)

عايز يقول له ان نزر لك للبننت ديت هيخليك ما تنزرش لجمال زوجتك في الجنة ولجمال الجنة بيقول له الجنة فيها احلى من كده كثير اوي. انت بتبيع ايه بايه كلمة صغيرة ولكن ممكن عند ربنا في الميزان تبقى ثقيلة قد ايه؟ تبقى عزيمة قد ايه؟ يا اخوانا ازاى يجرووني ان احنا الجارئين ان احنا نسكت؟ ازاى؟ احنا قاعدين - [00:36:31](#)

دلوقتي احنا كم واحد قاعدين على الغرفة الصوتية؟ يا عم مهما زدنا كم واحد؟ كم مليون قاعدين على النت دلوقتي؟ يا اما في غفلة يا اما في معصية يا اما يا اما ازاى - [00:36:51](#)

ان احنا نشوف ربنا بيعصى ونسكت حرام ابن ملحد رضي الله عنه قبل ما يدخل ويتقتل ويطلعن بحربة في ظهره انا كنت زان انه

داخل اتكلم واتاخذ باخوانك. هو مش متخيل لحد ما لقيت رواية يا جماعة ان هو داخل قال للصحابة ما تقفوش جنبى. ابقوا قريبا بس. انما ما تقفوش جنبى. بصوا عليها من بعيد كده - [00:37:01](#)

فان قتلوني رجعتم الى اصحابكم. يعني احنا يا جماعة يعني هو داخل ومتوقع انه اتقتل. يعني داخل في مظهر ايام ثلاثين ستة كده لما كان البلطجية واقفين في الطرق لما يشوفوا واحد ملتزم مسلا ينزلوا عليه بالمطاوي فواحد بيقول انا نازل اكلمهم عن ربنا لو قتلوني ابعدوا - [00:37:21](#)

اخواننا يا اخواني عشان ايه ما تتقتلوش معي. هو نازل وعارف انه نازل وغالبا هيتقتل. فبيقول فان قتلوني رجعتم الى اخوانكم. يعني نازل وعارف انه ممكن يتقتل بس مش قادر اسكت. زي مؤمن قال ياسين زي مؤمن قال فرعون مش قادر اسكت. ما اقدرش اشوف ربنا بيعصى ويسكت. ما اقدرش اشوف الناس على الضلال واسكت. ما اقدرش اشوف الناس هترمي نفسك - [00:37:41](#) جهنم واسكت قضية كبيرة قوي يا جماعة قضية خطيرة قوي اركب معنا. اركب معنا قالها سيدنا نوح في يوم من الايام. واللي عايز يبقى مع سيدنا نوح في الفردوس الاعلى - [00:38:01](#)

واللي عايز يبقى مع الانبياء في الفردوس الاعلى لازم الكلمة دي تبقى على لسانه ليل نهار. يقول لمراته اركبى معنا. يقول لولاده اركبوا معنا. يقول لابوه وامه اركبوا معنا. يقول - [00:38:11](#)

اخواته اركبوا معنا. تقول لصاحبته اركبى معنا. يقول لصاحبه اركب معنا. لو ركب ميكروباص يقول للناس اركبوا معنا. لو نزل لاصحابه في الدفعة او في السكشن بيقول لهم اركبوا معنا. لو نزل لاصحابه في الشغل يقول لهم اركبوا معنا. لو شافت بنت متبرجة تقول لها اركبى معنا. اركب معنا هي دي - [00:38:21](#)

الكلمة اللي على لسان المؤمنين هي دي الكلمة اللي على لسان الناس اللي بتحب ربنا وخايفة من ربنا. قال رجلان من الذين يخافون انعم الله عليهم ادخلوا عليهم الباب من الذين يخافون خايفين لو ما جاهدوش في سبيل الله ان ربنا يعذبهم. عارفين ان العمل لدين ربنا فرض وليس فضل. عارفين ان الكلام عن ربنا - [00:38:41](#)

ارض وليس فضل. عارفين ولتكن منكم امة يدعون الى الخير. ويأمرون بالمعروف وينهون عن المنكر. شف ختام الاية عشان تفهمي معنى الاية لان الناس بتقول ولتكن منكم امة يعني جزء منكم يتكلم عن ربنا والباقي ما يتكلمش. طب ربنا قال في اخر الاية ايه؟ واولئك هم المفلحون. هم دول بس اللي بيفلحوا - [00:39:01](#)

يعني معنى كده ايه؟ معنى كده ولتكن منكم امة يدعون يعني معناها ليكن منك رجلا مش معناها اقطعوا حته بانكم تتكلم عن ربنا والباقي لا. معناها خليكم وكلكم ام الدعوة. كل الامة دي يبقى شعارها اركب معنا. يبقى انت على الفيس انت على الواتس انت على الانستجرام. انت على اي حاجة في السوشيال ميديا - [00:39:21](#)

انت في الورش انت في مجالك انت. مع اللي تعرفيها واللي ما تعرفهاش. شعار حياتنا كلها اركب معنا. اركب معنا فنبدا يا جماعة نتحول لسفينة مكتوب عليها اركب معنا. مكتوب عليها اركبوا معنا. بندعوا المجتمع للتوبة ساعتها ربنا يغير احوالنا كلنا. انا عايز اديكم بس بعض توصيات - [00:39:41](#)

قبل ما اسبيكم باذن الله سبحانه وتعالى. التوصية الاولى الورش الايمانية. مشروع الورش الايمانية. يعني يمكن كنا في اجتماع سريع جدا كده مع قادة الورش قبل هذا الدرس. اختباع سريع جدا يعني. آآ الورش يا جماعة الايمانية آآ في آآ يعني للشباب وفي -

[00:40:01](#)

كل البنات يعني اي حد فيكم مش مشترك في ورشة يدخل في ورشة يدخل ويثبت ويستمر ويعاهد ربنا على الاستمرار. ويعاهد ربنا على انه مكمل في الطريق ومش هيسمع سيب الطريق ده ابدًا. يبقى الورش الايمانية تلاقوا صحبة. تلاقوا ناس تسمعوا معها دروس تشجعكم على رمضان. تلاقوا ناس تشجعكم انكم تتكلموا عن ربنا. تلاقوا ناس تصحوا بعض - [00:40:21](#)

فجر تلاقوا ناس تلاقوا صحبة ايمانية تذكروا بعض بالله. تلاقوا ناس تشجعوا بعض على طاعة ربنا وعلى الاستمرار في طاعة ربنا. رمضان لسه عليه خمسة وستين يوم يا اخوانا لو الخمسة وستين يوم دول عشناهم صح ان شاء الله باذن الله رمضان ده هيبقى صح

وربنا هيغير حياتنا كلنا بسبب رمضان. يبقى احنا الوقتي داخلين على اخطر - 00:40:41

فترة في السنة كلها مشروع الورش اليمانية. التوصية الاولى. التوصية الثانية ان من باب برضو التربية يعني آآ اخوانكم في المحطات السبعة آآ على موقع الطريق الى الله تحفيز المحطات السبعة عاملين على الفيسبوك اسمه احفظ الف اية. الايفينت ده انا عاملاه اصلا في مسجد - 00:41:01

في الجمعية الشرعية عملناه في المحطات السبعة بقى اللي موجودة في الارض. فانتم دلوقتى على انت احفظي الف اية. الف اية ده يعني يعني جزء التسعة وعشرين والثلاثين. يعني من سورة - 00:41:21

ملك لحد اخر القرآن يا جماعة. جزئين بس. جزئين. ايه المانع ان في الشهرين اللي قبل رمضان دول تحفظي الف اية؟ الف اية دي لو قمت بهم الليل انت من المقنطرين. الف اية دول لو قط بهم الليل من قام الليل بالف اية كتب من المقنطرين. يعني تخيلوا تاخذوا قناطير من الاجور تاخذوا اجوركم في - 00:41:31

اتجنب القناطير. تخيلوا الكلام ده تبقوا اقطاعيين من اقطاعيين الفردوس الاعلى. تخيلوا هذا الكلام يبقى اذا الايفينت على الفيسبوك اللي هو آآ في المحطات السبعة اه لحفظ القرآن مشروع احفظ الف اية من خلال الورش برضو اتمنى ان الكل يدخل في هذا المشروع. اتمنى ان اللي مش ماشي - 00:41:51

في حفظ القرآن يدخل في هذا المشروع يا جماعة جزئين صغيرين بازن الله. طيب النقطة الثانية ان شاء الله بازن الله ربنا بيمين علينا يا جماعة. سفينة الدعوة بتقوم تاني - 00:42:11

الواحد قلبه بيرقص من الفرح. لما بلاقي مقطع مسلا درس من الدروس مسلا اديته او اي حد من الدعاة ده على قناة مسلا فضائية والاقية على انت مسلا الاقي مسلا ايه - 00:42:21

فرسان السنة ممنتجينه ومنزلين عليه مقطع مسلا. قلبي بيرقص من الفرح ليه ؟ هيرجع تاني بقى. المواقع الاسلامية على انت هتشتغل تاني. والفرق الدعوية على انت هتراجع هتشتغل تاني وتاخذ الدروس وتشير فيها وتعمل عليها مقاطع ويعملوا عليها تصاميم هنرجع تاني يا جماعة هنرجع تاني لواقع الواحد شايفه من سع - 00:42:31

تمن سنين كان وقع نشيط وكان واقع جميل. انا حاسس ان الواقع بدأ يرجع تاني. ربنا يفتح لنا تاني. ومن فتوحات ربنا بازن الله علينا ان اه يعني دار اه صغيرة كده لنشر المطويات الدعوية اللي اه اللي بعملها لنشر الماتورة الدعوية والكتيبات الدعوية -

00:42:51

عشان التوزيع الخيري. يعني دي حاجة توزيع خيري مش توزيع تجاري. يعني مش آآ مش آآ يعني مش اسعار تجارية. ده ده اسعار توزيع خيري. عملنا حاجة اسمها الشبابيك شبابيك على اسم السلسلة بتاعتنا. عشان يبقى براند ليم واحد. عملنا حاجة اسمها شبابيك ونزلت اول ورقة بفضل ملة الا في درس الجمعة اللي فات. اللي هي ورقة - 00:43:11

نعيم القبر نعيم القبر ورقة جميلة وورقة بفضل ومنة الله سبحانه وتعالى فيها مفاجآت عن جمال القبر وروعة القبر بالنسبة للانسان المؤمن ورقة جميلة ان شاء الله الورقة طبعا يعني ايه لسه بقى هنعدل فيها اكر لان دي اول ورقة لمؤسسة شبابيك او لدار شبابيك ان شاء الله بازن الله للتوزيع الخيري - 00:43:31

زي رش الهدية كده بالزبط. زي نشر الهداية كده بالزبط بازن الله. شبابيك الفترة الجاية ان شاء الله هتنزل ورق يعني ان شاء الله هتنزل الجمعة الجاية داهي في درس الجمعة ورقة - 00:43:51

ازيك يا ابو شعبان؟ ورقة رجب وشعبان بازن الله اللي هي يبقى اسمها رمضان ليس عصا سحرية. ورقة رمضان ليس عصا سحرية هتنزل في الدرس الجمعة الجاية هي برضو باسم شبابيك. وفيه رقم للتوزيع الخيري اتمنى ان دكتوراه محمد رفعت يكتبه صفر عشرة اثنين سبعة اثنين اربع خمسات - 00:44:01

اثنين صفر عشرة اثنين سبعة اثنين اربع خمسات اثنين. فضل ومنة الله سبحانه وتعالى اطلبوا بقى عشان التوزيع الخيري في الجامعات بتاعتكم. في الاماكن بتاعتكم في اماكن العمل بتاعتكم ورقة زي رجب وشعبان. اسمها رمضان ليس عصا سحرية. الورقة

ان فوقه قبل رمضان. فوقه يعني ان شاء الله بازن الله انا مش عايز بقى ايه اكشف آآ فكرة كده ان شاء الله سلسلة رمضان عزا ليس عصا سحرية ان شاء الله هنعمل سلسلة برضه في شعبان - 00:44:41
يبقى البرومو بتاعها فكرته جديدة خالص ان شاء الله بازن الله. ان شاء الله يعني غالبا كده هنجيب شاب هيبقى البرومو بتاعها شكله ايه؟ شاب كده بازن الله سبحانه وتعالى - 00:44:51

واقف يوم ثلاثين شعبان وحزين والسلسلة في رقبته. والبنطلون المتسقط وشعره متفلفل. وشكله كده صعب جدا. ويببص كده زعلان بقى ان رمضان داخل وبعد كده فجأة تضرب عصاية سحرية فيقوم فجأة العقد يروح وعلامة الصلاة تطلع. بعد كده تضرب عصاية سحرية ثانية فجأة يوم الدقن طالعة - 00:45:01

بعد كده بتضرب عصاية سحرية تالته البنطلون المتسقط يروح ويبقى جلابية جميلة شيك. الوانها جميلة وقميص كده على سنة النبي عليه الصلاة والسلام موجود. وبعد كده تضرب عصاية سحرية وشه ينور وعلبة السجاير تروح من جيبه والمصحف يبقى مكانها. ومع كل عصاية سحرية يتكتب ورا مسلا خمسة رمضان خمستاشر رمضان - 00:45:21

سبعة وعشرين رمضان. وبعد كده فجأة تقوم جاية عصاية مضروبة على دماغه. فيقول اي! وهو يقول اي! يقوم صاحي من النوم! وهو لسة بالسلسلة! والبنطلون المتسقط والشعر المتفلفل وهو بيصحى من النوم ببص يلاقي قدامه ورقة مكتوب عليها واحد شوال وصوت الراديو يقول اعلنت دار الافتاء - 00:45:41

ان غدا هو اول ايام في شهر شوال وهو واقف مصدوم ان رمضان ضاع عليه لانه كان فاكر ان رمضان عصاية صح البحرية اول ما هيجي الدموع هتنزل والقلب هيرق والمصحف اللي ما اتفتحش طول السنة يتفتح فاذا به يفاجأ انه كان لازم يستعد من رمضان - 00:46:01

رمضان من بدري هي دي فكرة ورقة رمضان ليس عصا سحرية. اللي هتنزل تبع دار شبابيك ان شاء الله بازن الله تبع شبابيك. وفكرة برضه سلسلة شعبان ان شاء الله بازن الله في قناة الرحمة - 00:46:21

اللي هتبقى بعد لو عرفوه لأحبوه. بازن الله اللي برضو اسمها رمضان ليس عصا سحرية. فشبابيك دي حاجة احنا عاملينها عشانكم. عاملينها عشان خشوا الهداية. عاملينها عشان نشر الدين. فان شاء الله بازن الله نزل ورقة نعيم القبر بازن الله وهنطبعها ثاني باسم اه قبور - 00:46:31

بازن الله سبحانه وتعالى وهينزل الاسبوع ده برضو تبعها ورقة رمضان ليس عصا سحرية. على الاستعداد لرمضان من رجب وشعبان. ان شاء الله هينزل تبعها وراء رمضان بازن الله وهينزل تبقي تبعها ورق وعظ كتير بازن الله سبحانه وتعالى. الرقم ده آآ اطلبوا بقى كميات ابدأوا وزعوا ثاني بقى اللي عايز سيديها - 00:46:51

يطلب بس لسه ما اتعملتش. ولكن يا عراف برضه اللي ماسك اخ اللي ماسك التليفون آآ طالب ايه وعايزين ايه بحيس ان احنا نبدأ نرجع نشتغل ثاني. باب رحمة. تعالوا نتلقى - 00:47:11

صح بقى يا جماعة. تعالوا تلاقوها صح. رقم ثاني مكتوب صفر عشرة. اتنين سبعة اتنين اربع خمسات اتنين. نبدأ ننشر الهدية. طيب آآ باب رحمة ثاني بقى ان احنا بدأنا نعمل مطويات آآ انا الوقتي فضل منة الله سبحانه وتعالى عملت دروس. يعني انا دلوقتي عملت دروس. آآ بفضل الله شبابية مستني ايه - 00:47:21

ايه مجرد علاقة بريئة الكلام ده بقى مازا لو تكلم الكفن الحاجات اللي زي دي على فين يا شباب فانا فكرت في ايه الوقتي انا ممكن اقعد ها واكتب الدرس ده في شكل بطوية. في شكل بطوية تنزل للشباب تبع شبابيك مسلا. يبقى ايه في شكل مطوية تفيد الشباب. وبعد كده الواحد برضو بيفكر - 00:47:41

طب ما تيجوا نبقي فريق مع بعض يا جماعة. طب ليه انا اللي اعمل كل حاجة؟ طب وانت دورك ايه بقى؟ لو مش واحد منكم آآ شير الكلام. واحد منكم ترجم الكلام. واحد - 00:48:01

كلكم فرغ الكلام. وواحدة منكم حولته لمطوية وواحد منكم عمل مقطع على الدرس. ونشره وواحد منكم يبقى يا جماعة لازم كلنا نبقى فريق. لازم كلنا يبقى اشعرنا اركب معنا. عشان كده قررنا ان احنا نعمل مسابقة جميلة اوي اوي اوي. ها اسمها مسابقة احسن مطوية. اسمها مسابقة احسن مطوية - [00:48:11](#)

مسابقة احسن مطوية شبابية. خلاص ابو يحيى طبعاً متابع معنا اهوات بالكتابة. مسابقة احسن مطوية شبابية. الوقتي انا هديكم درسين ثلاثة. عندكم درس مجرد علاقة بريئة. خلاص عندكم درس مجرد علاقة بريئة. وعندكم درس مستنية - [00:48:31](#)

مستنبة ايه اللي كان على الحجاب. وعندكم درس مستنية ايه؟ اللي كان على الحجاب. وعندكم درس الشباب والجامعة وعندكم درس الشباب والجامعة. يبقى مجرد علاقة بريئة مستنية ايه؟ الشباب والجامعة. ادي ثلاث دروس اهم. اي - [00:48:51](#)

الدروس دي هتلاقوها متفرغة متفرغة على موقع الطريق الى الله بازن الله سبحانه وتعالى وابو يحيى برضو هيوافر لكم ايه؟ يعني ممكن اخوانكم اخواتكم واحد الطريق الى الله برضه ايه يبقوا عارفين اماكن التفرغات فين - [00:49:11](#)

هات او هاتي. اي درس من دول وحاول تحوله لمطوة. يعني ايه تحوله لمطوية؟ يعني تشوفي اقوى كلمات في الدرس. ممكن تحاولي حتى تسمعيه صوت اقوى كلمات اسرت في قلبك وفي قلبك. وتقوموا مطلعين اقوى كلمات ديت كاتبينها وتبدأوا تصيغوها بشكل ادبي لزي زليف كده مش بشكل بقى - [00:49:21](#)

بقى اللي اتقالت ده لأ بشكل ادبي ظريف بحيس ان هي تبقى في الاخر ورقة وش وظهر جمعت اقوى كلمات فمستنبة ايه اقوى كلمات عن الحجاب مسلا ها اقوى كلمات متنقية. او اقوى كلمات في مجرد علاقة بريئة. ها؟ عن الاختلاط بقى والموضوع اللي زي ده. يبقى احنا معنا مطوية قوية. انا ان شاء الله هيوصل لي - [00:49:41](#)

المطواة بتاعتكم دي هتبعثوها آآ يعني ان شاء الله بازن الله آآ يعني ممكن آآ يعني آآ ابو يحيى بقى ها على الايميل خلاص ابو يحيى يكتب لكم الايميل اللي هتبعثوا عليه المطويات دي بازن الله. ابو يحيى دكتور محمد هيكذب لكم الوقت اهوت الايميل اللي هتبعثوا عليه هذه المطويات. دي مسابقة يا جماعة - [00:50:01](#)

اه يعني الفائزين والفائزات لهم جوايز. يعني مش يعني الفائزين والفائزات لهم جوايز. اللي اللي هيقبل اصداراتهم ان هي تبقى مطوية لهم جوايز جوايز حلوة مش يعني مش لهم جوايز كتيب. لأ ده دي حاجة هتبقى مطوية وهتنزل فهي جايزة تتكافى مع - [00:50:22](#)

كأنه عمل ورقة ونزلت السوق. واخدين بالكم معي؟ يعني هيبقى له جايزة محترمة يعني حاجة حلوة يعني. خلاص؟ بازن الله سبحانه وتعالى. على الايميل اللي هيكذب لكم ابو يحيى الان بازن الله - [00:50:42](#)

وتعالى انا حددت لكم ثلاث دروس اهوات كل واحدة منكم او كل واحد منكم اللي عنده موهبة الكتابة الادبية وموهبة الصياغة ها يسمع بقى مسلا مجرد علاقة بريئة. تسمعيه بقى وتركزي كويس اوي وتقومى كاتبة اقوى كلمات دخلت في قلبك جدا وبعد كده تبدأي بقى ايه ترتبي - [00:50:52](#)

الكلمات ديت. يعني انا ان شاء الله بازن الله المميزات والمميزين منكم في كتابة مطويات انا ممكن اعمل لهم بقى قاعدة خاصة على على الغرفة الصوتية قعدة خاصة اشرح لهم كيفية عمل مطوية. ليه؟ بحيس يا جماعة ان كلنا نشتغل مع بعض. مش هينفع ليه؟ انا دلوقتي اديت الدرس. تقوم انت او انت تعملي المطوية. يقوم - [00:51:12](#)

عايز يترجمها للانجليزي واحدة ترجمها اسباني واحدة يترجمها ايطالي. يقوم واحد ياخذها ويديها. ويتكلم بها ويدعو الى الله بها. يبقى كلنا شغالين يا اخواننا يقوم واحد يشتريها ياخذها مسلا وبالف نسخة ويوم وزعها في الكلية بتاعته لهداية الناس بالتمن الخيري بتاعها طبعاً. بالتمن الخيري بتاعها. اللي هو ممكن لو راح - [00:51:32](#)

البطن ما يعرفش يجيب به اصلاً. يعني لو هو هيطبعها هو نفسه ما يعرفش يجيب بها اصلاً. واخدين بالكم معي؟ يبقى اذا احنا كده نتكافى. مسابقة احسن مطوية شبابية. مسابقة بعلن عنها - [00:51:52](#)

اللي عنده فيكم موهبة كتابة مطوية. يورينا بقى بازن الله سبحانه وتعالى وربنا يسددكم ويبارك فيكم. اتكلمنا عن الورش تشتركوا فيها فور الدرس. اتكلمنا عن على الفيسبوك اللي هو احفظ الف اية. احفظ برضه اكتب لهم يا دكتور محمد يعني يدخلوا فين بالظبط؟

خلاص ماشي جزاك الله خيرا. عايزين بقى الحفظ كله وشباب الورش - 00:52:02

لازم يعني ان شاء الله الحاجة الثالثة قلت لكم على موضوع شبابيك الفتح الجديد. اللي ربنا من به علينا اللهم لك الحمد ان انا فرحان يا جماعة. يعني انا ملاحظ ان حتى كلمة فرسان - 00:52:22

السنة اللي سمعتها اكثر من مرة في كزا مقطع يبدو ان اخواننا على موقع فرسان السنة بدأوا ينشطوا. اللهم لك الحمد طبعاً ويتوا الله ده منارة. اللهم لك الحمد. في فريق بلاحز وجوده في الدرس عندي دايماً - 00:52:32

اسمه نبض الشباب فريق على النت. انا انا والله اصل انا يا جماعة انا شفت الواقع قبل كده وهو بينمو. فانا شايف ان فيه خير بيطلع.

شايف ان خير وفرحان. واي - 00:52:42

فريق عايز دعم اي فريق عايز دعم مني اي فريق على انت شبابي شغال عايز دهب يتواصل مع ابو يحيى يتواصل على الايميل دهوت اللي ابو يحيى كتبه بازن الله سبحانه وتعالى - 00:52:52

غلط بحيس ان احنا لازم نزق الواقع بتاع النت لقدام ان شاء الله بازن الله. والمسابقة مسابقة احسن مطوية شبابية. ربنا يبارك فيكم.

عايزين افكاركم وعايزين مشاركتكم ربنا يسددكم اركبوا معنا واحنا نركب معكم كلنا نركب سفينة النجاة الوحيدة وربنا يوصلنا

للفردوس الاعلى في صحبة النبي محمد يا رب - 00:53:02

اللهم تب علينا توبة ترضى بها عنا. اللهم تب علينا توبة لا نرد على اعقابنا بعدها ابدًا. اللهم ارزقنا صلاة ترضى بها عنا. اللهم اجعلنا لك هو ممين ؟ لك قوامين يا رب. اقترب رمضان فاصلح قلوبنا. اقترب رمضان وتسمنا ربيع رمضان. يا رب - 00:53:22

اللهم ايقظ هممتنا. اللهم اقمنا على مرادك منا. اللهم قوي في رضاك عزمنا. اللهم اف بين قلوبنا على طاعتك وابتغاء مرضاتك. اللهم استعملنا ولا تستبدل بنا. اللهم استعملنا ولا تستبدل بنا. اللهم استعملنا ولا تستبدل - 00:53:42

قلبنا يا رب. اللهم اهدنا واهد بنا واجعلنا سببا لمن اهتدى. اللهم اهد شباب المسلمين واهد فتيات المسلمين لنصرة الدين ولنشر الدين
يا رب. رد الامة الى دينك ردا جميلا يا رب. رب انا مغلوبون فانتصر. ربى انا - 00:54:02

فمغلوبون فانتصر. ربى انا مغلوبون فانتصر. سبحانك اللهم وبحمدك. اشهد ان لا اله الا انت استغفرک واتوب اليك. جزاكم - 00:54:22